

晚

晴

移

詩

匯

晚晴簃詩匯卷一百二十六目錄

祁鶴藻 二十二首

吳振械 三十九首

王瑋慶 六首

李周南 一首

喬用遷 一首

鄭開禧 三首

王協夢 一首

朱達吉 三首

鄭敦允 一首

蕭德宣 三首

黎恂 八首

范仕義 二首

路孟達 三首

潘曾沂 七首

汪遠孫 二首

唐樹義 一首

劉喜海 一首

劉禮淞 五首

曾興仁 一首

張履 十六首

方垌 三首

劉寔 三首

俞鴻漸

五首

林端

五首

甯熙朝

二首

劉沅

一首

劉熊

三首

胡貞幹

六首

李洲

一首

晚晴綵詩匯卷一百二十六

徐世昌

邢雋藻字叔穎號滄甫改實甫又號春圃壽陽人嘉慶
甲戌進士改庶吉士授編修官至體仁閣大學士致
仕再起以大學士銜領禮部尚書贈太保諡文端有
纓欲亭集

詩話文端斐然清節爲時名臣道咸之間海內多事
朝貴中尙文學接士流者惟文端爲碩果時論尤歸
之於詩致力甚深出入東坡劍南而歸宿於杜韓論
古述今每關掌故罷政後所作託意深婉詩境益進
昔年通籍出文格門下
淵源遙溯歧慕彌深

題煦齋夫子惜驄馬圖

九門鑊鑰一夜開金吾將軍騎馬來馬前緹騎擁大戟闔
城溢郭歡如雷明日都人爭動色報道將軍已擒賊將軍

神勇人不知但見驟耳隨風馳風馳電掃無留盼蹴踏紅
塵來白澗來時行殿午陰斜卻到都門未哺飯將軍報主
不愛身馬亦宛轉從將軍草中狐兔復何有天上麒麟自
不羣當時畫圖撫駿骨鐵腕花髮氣鬱勃卽今玉勒擁沙
隄猶想連錢錦障泥將軍功大心更厚念舊惜勞及奔走
自是風塵物色難定知詩句流傳久我欲飽銅寫此馬置
之黃金古臺下驂騑騷擾世間多不遇孫陽當奈何癸酉
清之變公以步軍統領隨扈白澗行宮聞信
卽乘此馬馳歸京師不三時行百四十里

義帝陵

居鄉一言三戶起新城一言重瞳死可憐二老眞英雄提
挈項劉如孺子漢誠天授楚天亡大義所存世莫當不然
編素三軍眾未必烏騅百戰強楚人自古懷忠信涕泣君

臣同一燼角黍蛟龍湘水深荒陵風雨郴山峻茅屋蕭慘
石虎悲攀登猶有牧羊兒但聞東海田橫島不見江南義
帝碑

題壹齋師餞書圖

長歛歸來尙有車短鐙繫在卽吾廬不知疏傳黃金外可
載蘭臺幾卷書

兩朝御賜重琅玕萬本丹黃手校完白髮幾人譚舊事茂
陵曾識寫書官

乾隆間公會與
四庫館繕書事

蔣礪堂相國以十歲童試卷簽裝冊屬題

昔時白屋擅英聲今日黃扉贊泰平才似長源眞宰相年
如穎士已諸生

蕭穎士十歲
補大學生

宏辭一卷留程式碧落三山

記姓名多少孤寒依廣廈風檐回首氣崢嶸

書篋緘藏歲月多墨香泥印未消磨已看彩筆傳諸子猶憶青衿擢上科斷紙零牋珍若此竹頭木屑用如何知公念舊無遺物長短鐙檠莫漫歌

送胡竹村

培輩

同年歸績谿

古人著書不得已書成身廢良可歎若使勳名照竹帛何爲雕琢愁肺肝君嘗爲余述師授斯語聞之汪文端因言年少治經義獨於三禮心尤單辦香欲祝北海鄭苦讀每笑南陽韓中年通籍習吏事回鶻鳳閣遷農官農官急務在心計決別常恐遭欺謾卽不被議且歸去小謫總荷君恩寬秋風蒹蘆久相待南國鳴雁何時安還家一笑奉菽水賴有文字娛酸寒君看仕宦得意人罷官忽若無餘歡人生得失未可較海鷗奚事儕鸕鷀因君致聲問匡鼎說

詩之樂何殷殷

胡墨莊先生近著毛詩後箋間已寫定

觀勵宗伯

宗萬

競渡圖卽事述懷因題其後

樽桑日出天下曉萬頃一碧滄溟小九龍飛舞出瑤池五色離披逐仙鳥陽開陰合爭後先獨有黃龍更天矯騰擎宛宛從東來銜尾羣龍不敢掉憶昔澄虛水閣涼仙萸一葉開端陽至尊親御芙蓉榭侍從齊排鵷鷺行須臾彩鳳傳丹字豈止驪珠三十四雲霞駘盪曳波濤絃管鷗鴉破空翠羽扇香羅拜賜回鈞天廣樂夢中催詰朝獨鼓湘江楫同伴爭誇碧玉杯

癸未五月朔日上御澄虛榭賜近臣觀龍舟競渡荷藻與馬次日遂拜視

學湖南之命午日賜酒傳杯未獲躬逢其盛

聖人作事無過舉上奉慈歡下胞

與禾黍惟思協雨暘歲時何必沿荆楚楚些三年厭使軒歸來道路喜傳言已見錦標辭鳳掖更聞絳樹出梨園白

頭宮保香案吏

左田尚書

能說三朝泰平事赫赫穿池教戰功

明明卻馬焚裘意當日如山眾畫工郎

世甯

唐岱

爭貌玉

花驄不許金明繪池水但令殿壁圖幽風此圖卻出詞臣

手點染新蒲兼細柳江山人物清且妍想見鬻軒豹尾後

此圖江鄉風景蓋乾隆年間南巡扈從時所獻御

吾皇儉

園福海午節競渡故事道光初年舉行旋即停止

德繼先皇嘉頌無煩第馬揚南海鯨鯢掃三窟

臺灣夷匪次第溫平

東吳稊稻集千航

福州督署觀右旋白螺歌

百川東注天左旋地軸入海樞在天靈螺抱珠獨右轉乃
與七曜精光聯在昔乾隆歲丁未王師偶指閩海壘天風
送潮百靈竢馮螭擊鼓龍趨洲帝謂爾眾涉大川錫爾白
螺神所虔斯螺獻自藏班禪得月之精乃水母陽侯當之

走且顛維時閭臣恩望專九拜而出登樓船鯤身鹿耳坐
超越談笑不待寵鼉鞭功成惚恍若有恃佛力亦藉天威
宣海邦從此得寶鎮不惟其物惟其賢大哉皇心契真宰
盧牟六合歸陶甄天西兩藏萬藩部奔走梵唄銷戈鋌此
中功德以神教精誠所至非言詮去年中山有冊使槎路
來往如登仙何況雞籠近咫尺商艘漁艇紛洄沿爾螺有
靈不可鍵海旁蜃氣莽成市安得一掃空雲煙

灰塏相傳始皇焚書處

硯谷知何處

硯谷阮儒處

灰塏尙有灰六經終不滅一炬竟先

災慘澹陰符出蒼茫赤帝來至今原上草秋燒滿荒臺

周道昔云墜羣言多異同不經秦火劫誰識漢儒功口授
篇章外心傳訓詁中嶧碑焚已久刻畫信徒工

游蘭州制府後園遂登城北望河樓感舊述懷

臘日無風天氣暄主人留我游灌園入門一曲開東軒迴
廊夾道交籬藩木葉旣落枝柯繁避人鳥雀爭騰鶩小亭
低檻手可援連岡起伏如驚蟄老圃界畫泉潺湲倚闌聊
息腰腳煩回眺似有雙朱轡乘之可陟城北垣拂雲樓卽
河樓高雲亂翻黃河直接崑崙源冰橋踐雪車馬喧以前橋爲橋冬則徑行冰上謂之冰橋下有千丈波濤掀西來天馬通大宛隴
樹東指咸陽原主人危坐客有言此邦鎖鑰天西門蔥嶺
兩道兵四屯萬里一綫達帝闕控馭中外節鉞尊野番回
鶻氈裘溫饑鷹側目豺虎蹲邊將日醉蒲桃罇守非其人
寇卽婚漢唐得失不敢論羈縻之義古所敦翦其支蔓固
本根南望龍尾山名卽皋蘭西支乾隆間阿文成公破撒拉爾逆回於此餘煙墩文成

祠廟歸然存天陰似聞鐵騎奔憶昔作客來西垠開元相

國仍有孫

文成之孫文毅嘉慶十六年官陝甘總督十八年去任

爲我掃徑加盤飧

此園樸素眞山村兩載日涉窮晨昏碑字鉤勒手留痕

文毅

家藏米老懷素墨蹟鉤勒上石余曾與其事

池水自清河水渾往事欲說聲先

吞年少氣猛過孟賁豈料齒豁頭髮髡人事變化鵬與鯤
舊游重歷皆君恩論交四海如弟兄吾舌豈爲主人捫歸
來凍月側金盆他日更約看朝暾

幽蘭

空山四無人知有幽蘭花花開不可見香氣清且嘉飛流
下危磴時有橫風遮香久亦不聞山深愁路賒眾草何青
青吐豔明朝霞如何咫尺間渺若天一涯援琴坐白石日
暮三歎嗟

亭亭復亭亭孤芳空自馨美人偶一顧移植來中庭中庭
花木繁紅紫羅錦屏一莖止一花何以奉尹邢亦思九畹
滋力薄身伶俜雲窗霧閣中疏絃何泠泠不歎知音希希
聲難爲聽

去冬以朝馬贈杜繼園少司空翰今春復以行帳假
之慨然述懷

不分曉漏與嚴更趨直衰年代步行曾傍禁垣陪玉勒每
從春苑扈霓旌據鞍可遂平生志鬻駱能忘舊日情好去
莫須頻顧戀相門忠孝有家聲

行帳相依三十年薊門直到柳條邊看他補綴撐持處歷
盡風霜雨雪天投贈媿無新錦段卷舒仍是舊青氈君家
武庫何須此應惜香鑪一縷煙

雲山別墅吾鄉京官浚園公退之所金陵尙書何恪

慎公舊居也余嘗爲書寄舫題詩於後乙卯之秋

公子青耜農部兆瀛重過感懷題詩見贈次答

猶記柴扉傍液池退朝觴詠集於斯十年畫舫留題處一

榻僧寮對影時時余寓雙橋寺傳舍不知誰是客角巾無意再尋

詩請看車轍門前路苔蘚斑斑在井眉

棲霞江上放船回舊雨花間掃徑來北向雲山心共寄四

圍金帶手先栽牡丹芍藥皆尙書手植披襟每倚藤蘿月起草仍留

蠟炬灰付與空堂吟蟋蟀便教鄉夢到臺駘

壺中日月洞中天紫府官曹許接聯爽塏已儼齊相宅尙書

再來京師特蒙賜第衰庸休問絳人年故園一別難回首何日三軍

得晏眠各有蕭條羈客感白門煙樹總悽然

久聞何遜工詩律曾共山翁把酒尊寶劍未逢吳季子叢
臺空憶趙王孫連珠古錦紗籠句破壁寒鐙屋漏痕獨媿
桑榆羸病叟閒居猶荷九重恩

次韻宗滌甫顧祠修禊

逃名誰識圭年老別思秋江餘畫藥弔鶴空歸曲沃園浮
家莫問崇明島當時兩馬載書卷周覽中區恣搜討都門
古寺偶停驂厯下東湖旋就道至今遺蹟人尙思對客炊
羹事堪攷

以上見張石州所輯顧譜

離披書帶想階屨鬱勃蚪枝動鱗

爪先生精靈何所寄落葉荒榛不可掃糟粕空將蝨簡求

弋羅仰視鴻飛藐繡衣使者老給事騎馬避人焚諫草猶

登禮堂肅瞻謁共薦溪毛勤采芼

集韻三十二皓收芼字

觴詠恍依

蘭上里雲山直接花蒲保

崑山居

羣賢蓮社答形影

是日陶

輩在滿座龍門歎淑皓春游城郭天氣新歸路林花詩句
好猛思江海多旌旗不覺風塵雜襟抱郡國誰尋利病書
功名且試河山表白頭吟望獨低垂無復飛騰馳翰藻

海鳥

海鳥曰爰居遠巢西海西如何九萬里翩然魯郊栖將毋
風爲菑中道胡不迷古者雉獒貢思患防端倪異哉臧孫
智曾不故府稽一朝鐘鼓饗漸及幣與圭初筵尙震駭久
乃甘如飴樓臺蜃市旁出入千虹霓海鳥非一族同居情
則睽箕斗天漢高烏鵲橋梁低織錦能幾何報章終日俟
天風吹海水青冥安可梯午日今再中爲語桃都雞

吳振棫字毅甫一字仲雲號再翁錢塘人嘉慶甲戌進
士改庶吉士授編修官至雲貴總督有花宜館詩鈔

姚春木曰仲雲黔行詩雄健古直其赴官滇中詩曰
蒼雪集老勁之外益見秀媚於時下質潤空滑之習
一無著染而奮然自進於古賀耜庚曰仲雲少時
已斐然有作入官以後乃愈老愈樸其目之所觸身
之所歷關民生疾苦者累歲重憶長言詠歎間及邊
防國計則援古割今懲前毖後蓋躬其事則慮之也
周歷其難則言之也痛其或事與願違每怒焉自責
自傷雖至無可如何而流連往復之餘時復不能自
已乃至中更顛躓而無改其度卒乃復振亦若視為
固然此其意境為何如乎是亦變風變雅之遺也而
優柔平中猶見先民之軌則焉仲雲黔中之遺也而
詩曰漢官清夷人平余雖不敏請事斯語
詩話仲雲累葉稱詩思深力厚風格老蒼嘉道以還
為一大家同年祁文端尤推重之歷官清介耄歲歸
休平生宦游之蹟滇黔最久正雅集記其風雲百開
合今古一鴻濛二語謂足盡摹狀山水之妙冷熱故
事有養吉齋叢錄二十六卷餘錄十卷孫慶
祗曾孫士鑑並入翰林有時名紹其世學

黔山雜述

西南入甌脫羣峭忽奔轅縱橫支幹分十九圖經漏崇嶺
疊鉤鎖刻畫豁氛零百狀斲渾淪一氣孕堅瘦但經意想

到未算奇險構迤邐如屏張妥帖等孟覆形端從臣芻氣
猛戰士胄欲行不行龍將飛未飛驚爲陽闕陰闔若神馳
鬼驟脈急前後承勢仄左右救袷衍脇側穿空洞腹中透
冷白塘孤銛純碧熨萬皺倒空壓鵬翼旁突截馬脰直教
地形窮方信天巧富仰掇星如棊俯聽雷出竇嵐陰暗如
夢雲氣怒欲鬪兩厓架垂虹一竅納急溜迎曦谷含赭裂
壘石畫籬危陁厯漸盡餘勢蓄猶厚稍稍疆場開草草室
廬陋柱短石覆檐牆低版縮踰屋頭雞爭唳牀下豕忽狗
畸零不成村雙隻或依垓窺人闖狂魑奪路走驚狖深蘿
頑陰閼怪樹雜色糅松液胎人形丹汞達奇臭毒蕞愁鉤
穿瘴蘘懼攀嗅嗟茲黔土境太半楚客僦靛畎割溝塍獠
界雜鉋耨天寒衣揜骨日午甌絕錙引藤勸斟酌毀瓶招

誦詬畚爭枯槎拾碑禁啞泉漱睚心寡營寒苦骨易壽
矧彼種人繁益慨夷俗狃鑄刀先試人伏弩工殪獸縛楮
招寡雌吹蘆合蠻奏卜惟用荒茅處竟穴深窳剝牛神莅
盟放蠱鬼伏咒險則鋌走疾怒卽羣吠喉聆音耳如塞觀
狀眼欲瞽悴膚憐僕哀怖魄惜兒幼豈有險踰此而竟客
來又王程迫馳驅野食互勸侑帶悲移孔寬字失疥壁舊
偵邏絕鈴柝蹕踟溷庖廩館人孰饋飡客邸轉匿綬宵驚
夢多魘鄉遠心自疚習勞健能任脫險禍誰宥但歌行路
難敢悔作計謬安得付剗夷曠蕩見宇宙

渡辰江望丹山

一江納雙流波勢捲寥廓羣峯壓扁舟頗慮篙櫓弱稍稍
灘腳迴遲遲沙尾著南望隔岸山千尺俯城郭石動風雨

懸谷暗夔魑樂云有仙真人栖此鍊大藥至今洗丹處紫
氣抱飛閣籀書九千外奇字誰所作舟師指示我靈跡具
灼爍吁嗟塵濁中焉能招黃鶴羽化多渺茫耳食誤假託
祕籙啟靈臺萬象擲糟粕

自桃樹坳至巴家坳皆極險峻

入山耽苦吟摹狀成結構山意不我屈出奇與詩鬪茲辰
涉諸坳遂使我馬瘦上坡駭梯空下坡疾放溜苔滑不受
趾木標幾絕脰阪危側掀淖石裂下陷竇怪禽前後嘯霧
雨無白晝一步一惕息十步一逗留入險非人擠敢籲神
物救飢疲無佳思鈍手欲縮袖但歌蜀道難未免見聞陋

書強忠烈手蹟卷後

嘉慶癸酉直隸逆賊林清與滑

縣人李文成牛亮臣等謀剋日

作亂忠烈知滑事廉得實禽其渠賊治焉賊黨謀

劫獄囚不及期先發城陷忠烈一家三十五口殉

義死而郡縣皆嚴備兵林清犯京師滑黨無得至
者故立就夷滅仁宗皇帝錄公爲功首有功在
社稷語褒贈之禮甚備咸豐己未九月公子前忠
州牧望泰示公手蹟卷家書一遺屬一論李忠愍
毓昌死事文一再拜三誦而系以詩

洪爐發猛火良玉光不蝕烈風西北來勁草眾始識懿惟
嘉慶朝文武多英特心肝奉至尊臣節繇是植紀年當癸
酉京輦余旅食晝驚妖彗長直掃紫垣側九門斷車馬氣
色盡惶惑赫赫威烈槍一破天地黑電旗挾雷鼓中夜掃
狐蜚清蹕在近郊萬騎旋寶勒晏然遂無事天蓋相有德
先時白波寇遠結黑山賊滑臺實凶巢牛李姦叵測苟非
巨刃揚孰能翦其翼外賊應期至三輔禍愈亟神都百萬
戶縣命在晷刻偉哉忠烈公摘發無伏匿恨未膏斧砧獄
底係徽纆先發勢轉孤計早亂源塞嗟嗟城隍隳小縣闕

兵力闔門卅五口橫屍慘閭闕大吏疏以聞天子驚歎極
推原事本末煌煌下手敕謂非尋常功乃在社稷風轉
四十年回首猶記憶賢子政甚清抱卷日拂拭卷中千百
年精氣貫簡墨訓家勛儉勤論事豁忠直剛腸無巧舌讀
者但太息就義真從容視古顏無慙方今久苦戰徵調徧
南北將吏豈不多烽燧胡未熄昔時亂則戡未至憂蹙國
長歌淩霜曉述往意淒惻作歌者爲誰先朝史臣域

藤花歌

老藤廣蔭三畝餘乃在聽事東南隅我來霜雪正蕭悴陸
槁疑是樵薪枯苔封石倚勢盤屈五龍糾絞根非孤蔓延
四走絡高架億萬鬼膊相枝梧三月四月土脈酥一雨再
雨甘醖醕柔絲吐春換新綠纖纖嫋嫋森魚須煙苞露甲

看漸圻一夜脫盡青羅襦曉晴睡足帷幕捲紫氣艷赫驚
雙臚瓏玲香界寶瓔珞鉤連綴繫密復疏奇芬醖醴試微
嗅霍然肺病今朝蘇青錢買春作清賞延客亟喚長鬚奴
惜哉地志闕未載又無好句窮追摹輪囷鬱崛數百載惟
供俗眼爲歡娛風塵連蹇士失職得不與此同嗟吁欲求
良工寫萬本達之上國傳通都使知海邦有異植耀豔實
與凡葩殊得一知己可無恨不須九錫爲花諛

水磨

築石闌水水受磯失勢一落如潰圉水中大輪三十穀衝
激儼忽行如飛下輪上磴一柱貫輪旋磴轉無相違不須
輶炙膏與脂前莫與挽後莫推雷風交奮出奇響日月疾
走無停機水流不方但圓折盤渦蹙碧跳明璣不杵不臼

米出甲屑玉萬斛晴霏霏自成精鑿匪人力杜公巧製誰
能希昔人豪橫殖生產妨民權慨家自肥今人生計嗟日
微撈掠聊免鉛舂悲未須劉頌禁侵害莫與衛尉同譙譏
水聲激激寒生衣北方有此吾見稀瘦驢幸免踏陳迹東
風貫耳鳴斜暉

響琴峽

雙厓對立削鐵成上摩天闕與雲平俯視不測煙冥冥石
梁橫跨通人行墮井窺見天光明不知日月何方生怒澗
穿石勢建瓴雪瀑飛捲鷺羽輕海鰲歎欲潮倒傾龍公捧
檄驅雷霆阿香推車無暫停兩甄合戰鐃鼓鳴萬馬蹴踏
虜帳驚銅山碎裂宵旬聞者震掉心怦怦胡乃以琴爲
之名琴舍太古移我情大絃春溫小絃清九十一聲無此

聲或者縹緲仙之靈愛此幽險飛馭經華山毛女招媼姪
東陽石室幽不局曲罷月落霜峯青世上傳說驚聾盲大
書深刻不可更此意是非誰與評狂吟付與黃猿聽

劍州古柏行

劍州之柏奇在多百里塞盡澗與阿劍州之柏多愈奇千
謫萬幻無端倪質如堅金色如石老氣九州無與敵橫枝
突怒穿別嶺危根虛無掛絕壁半枯半生態絕殊欲仆欲
起勢尤激怒芽潑黛媚魍魎空腔出火下霹靂峯顛一株
氣象尊山中萬木皆兒孫頑陰不受日月照一碧倒捲天
光吞翠雲搏結天上廊舊有翠雲廊之名每來見此喜欲狂朝朝
夕夕弄奇響上天下地流空香只愁山盡樹亦盡不因路
險嫌山長拙吟體物苦難肖寫示旁人供一笑須知物類

何重輕端賴風徽足憑弔仙蹤尙有留侯山
紫柏山留侯祠柏亦奇古
神物終懷孔明廟

松文清公虎字歌

仁宗至仁容直諫文清在朝時拜章樸忠頗不識忌諱亦有謠諑多中傷清名偉節動中外每以尺箠笞戎羌邊庭卧護烽堠靜帖耳受驅如犬羊生無他嗜苦嗜酒燒春痛吸不擇偶醉酣興發作虎字字大於身膽如斗尋丈以外一筆成山摧谷動雷雨傾雄強蓄勢跳躍出得虎生氣匪以形懸之幽堂風夜吼老魅走避兒童驚愛公書者摩挲極公之所重非翰墨藜蘊不採眾帽伏淮南寢謀賴汲直鼎湖龍去四海慟公亦騎箕侍帝側狐狸瑣瑣姑弗問羆羆吞噬浩莫測紛紜世事已十年慘淡風煙想顏色卽今

塵壁賸鉅幅不敢逼視坐歎息吁嗟乎怒猊渴驥妙絕倫
書中之聖自有人守在四夷誰虎臣

盤江鐵索橋歌

此江甚廣不可梁此水甚怒不可航山高入天下入水兩岸
壁立青相當千緮百杙此橋就鐵鎖連屬百丈強幾時
改驛馳驟襄行旅爭言新路好百年榛蕪瘴煙深獸跡日
多人跡少近來新路復多阻峒苗披猖擾烽羽掃除旣恨
兵薄弱徵輸更歎民困苦荒坡高下田不耕破竈敲斜店
無主行人懼掠求故道膽落危橋戰雙股江上風雪聲蕭
騷我來急爲呼掾曹今年請錢速修築毋使鐵爛橋動搖
兵行似從枕席過煙塵要使須臾消君不見西征萬騎雄
且武薄伐事在康熙朝

留壩

逐隊騾綱遠揮鞭夕未聞人經野羊水路入畫眉關獵騎
原頭火歸鴻雨外山今宵鳳州酒好爲破愁顏

玉屏道中

萬里看春色蕭然客眼中亂鶯山店雨一蝶戍旗風歲月
驚飛絮妻孥共轉蓬終當決歸計蓑笠逐溪翁

雨後山行

長風蕩林樾五月有秋聲客起雨初止曉涼蟬乍鳴中峯
晴色轉破寺亂泉生莫過猿嘯處恐傷羈旅情

歲歉感懷

吳楚傷心雨江湖極目波逢人聞太息卒歲更如何積漲
龜魚喜寒原鴻雁多方知飽粗糲未可動悲歌

井竈依稀在妻孥轉徙遙人生賤於草米價長如潮良吏
憐糠餅空田少麥苗微聞兩黃鵠新唱復陂謠

蕭瑟茗溪上驚危狴戶餘已寬沈命法願讀活民書呼籲
情原迫倉皇計亦疏仰懷虞內史私米恤窮閭

豈用封樁積惟憂郡國荒況通西極馬早射北星狼使節
巡行遠置臣賑卹詳古來無旱潦何以見堯湯

風雨傷稼民多流亡旣請緩征復率諸吏富人輸白

金二十餘萬兩益以官錢立法分賑冬及春凡五
閱月麥熟乃止因爲數詩識痛定思痛之意

政闕陰陽沴捫心疚在余淹傷嗟水潦補救費躊躇國算
金錢重村人廩廥虛七亡還七死流涕鮑宣書

初喜秋禾盛饗殮庶療飢奇災坐風雨下戶遂流離才劣

迂籌策權輕失便宜一官容竊祿無乃愧瘡痍
聽話窮檐事令人涕泗橫賣兒償一飽浮海句餘生廢屋
千村有寒衣百衲成北風驅雨雪鴻雁夜悲鳴
振膽鄉閭重錙銖肯較量勢窮憂鈔掠歲暮急周防幾處
頒私米肫然念翳桑豈惟風俗古保富此奇方

答嚴緇生孝廉卽送之黔

文武無方略平生負國深艱危遂如此嘯詠復何心邊地
才尤少勞生病易侵更誰相慰喻佳語似風琴
一飽不可得去家依故人疲驢萬山雨小別亦酸辛鐵鎖
蠻江渡松明店壁塵此行無劫帥書問慰慈親

閱滇繫雜錄永明舊事

東方日出耀滄溟牛角山河燭火熒孱主爪牙羣盜賊蠻

天歌哭小朝廷
赭陘臺畔雲都散
舊晚坡前草尙青
誰把奇功覓封賞
金蟬風雨不堪聽

將去濠州而資用乏絕時有登萊青道之命

少連詎有淮南物
漫遣繁憂集百端
巢燕去來眞草草
磨驢蹤跡自團團
宦游似作無家別
世態都輕近替官
且爲老饕謀一飽
白魚如雪正堆盤

謁宋文憲公祠文憲謫蜀所歿葬於夔蜀獻王思其

屢有興替今廡毀日甚地爲居民所侵爰稽故牒
理其界捐俸修復祠旁益以廊宇亭館環植花木
爲春秋奉祠憩息之所旣訖功
偕鄉人薦牲醴焉而紀之以詩

四賢名姓重金門
晚戍忠州失主恩
卜兆遠依香界樹
懷鄉難返錦江魂
異時俎豆英靈共祠中舊以方先生開國
正學附祀今仍之
文章體格尊莫向
寒蕪悲馬鬣墓在孝陵南望暮煙昏

見詩船去年閱兵漢鳳紀行諸詩有作

千騎秦原畫角催巡邊西過祀雞臺馬頭山色褒斜盡雁
外秋聲漢河來偶作歌行新壁壘有如號令肅風雷金牛
古道尤奇險重鎮迴翔待此才

出汚入蜀諸奇勝詩船未至也

聞喜弔裴晉公

朋黨難消賊易除四朝遺跡動欷歔風裁陸贄詞尤激功
業汾陽福不如豈有賢姦能並進空言恩禮未全疏蕭條
綠野堂中酒世事傷心白首餘

三歎

長安朱邸太崢嶸蠹啄能無仆屋驚挾瑟爭趨門下客橫
刀新典禁中兵稷蠶瑣瑣憑誰掇仗馬森森久厭鳴不見
漢家垂史筆廢書三歎想閒平

天涯話別圖

皓首遷官仍萬里羈鴻分影乍驚秋
恩恩香國三年住莽
莽邊城兩度游客夢易醒偏夜雨
天涯難買是歸舟相逢
重話西園舊薛徑筠廊卷裏留

竹雞塘

竹雞嘯處滑春泥
湘草如煙翦碧齊
睡起一聲漁笛遠
片帆斜日洞庭西

雲裏

雲裏嶙峋見翠微
山山都受白雲圍
上坡卅里穿雲出
更有白雲頭上飛

青陽道中

秋浦聞猿淚未乾
客懷難借酒杯寬
濛濛九子山頭雨
又

向蓬窗作晚寒

江上

白鷺飛來踏浪花
寒魚得汕便爲家
估帆爭向沙頭落
篴竹陰陰酒旆斜

潯沲

平沙枯木曉鴉多
隔岸連羣卧橐駝
水上堅冰冰上雪
揮鞭容易過潯沲

馬道驛夜坐作

側側春寒向暮生
簾垂鐙暗不勝情
擁衾消盡紅塵夢
一夜山泉帶雨聲

嘉陵江

分水嶺前江水長
朝天關下估帆張
料得江頭孤館夢
隨

風一夜下錢塘

滇中十月後梅已作花而綠葉滿枝未落也

重重如褰碧綃衣掩映仙膚萬玉妃畢竟春情瞞不住靈香先逐曉雲飛

花格何曾瘦更寒看花還帶綠陰看畫師讀盡梅花譜如此春光畫卻難

王瑋慶字藕塘琅琊人嘉慶甲戌進士歷官光祿寺卿有藕塘詩集

銓曹署中四詠和雲麓作

吳文定公手植雙藤在大堂後卽今藤花廳也

遺愛雙藤古名賢植右廂

古藤記右廂二株宏治六年吳文定公手植

陰涼嫌

客熱花淡笑人忙不受風塵染偏霑雨露香我才同散木

開謝幾經霜

王文成公題名碑在驗封司

抗疏爲郎日留題姓字新平猺揮將略破敵屬儒臣事定
功招謗才高學累人殘碑勤拂拭趙南星顧叔可同倫

趙乾所先生手書石刻在稽勸司

列宿瞻郎位封章達九天

明代郎官得陳章奏

讜言銘座右勁節仰

前賢廉吏惟知法清官不愛錢

石刻中語

冰心饒鐵筆絕似柳

誠懸

許忠愍公瘞骨處在文選司今卽其地爲祠

殉守不離署至今猶閉門龍髯悲故主鯉首瘞孤魂死志

生無媿忠心孝亦存

明史客以老父爲解公日不死辱及所生

滿堂卿貳眾俎

豆讓公尊

至今春秋祀之

一片石

烽火連天明社屋國亡家破仇誰復忽聞美人亦被收多情轉效秦廷哭慟哭上書爲請兵數行血淚噉鵲聲素練繫肩衣如雪負弩前驅玉關行關內蟻賊二十萬橫海列陣來酣戰狂風飛瓦塵蔽天咫尺敵人不相見我師先作壁上觀兩軍迸出刀光寒厲策聲催陣雲黑鸛鷺隊舞夕陽殘忽訝神兵來天上長弓大劍遼東將馬上健兒齊喪膽紛紛遁走凱歌唱只緣紅粉定燕京簫鼓重逢倍有情怪底將軍多反覆君親恩不及傾城

雲麓過小齋見秋花盛開詩以獎之和元韻

小苑半弓地籬花四面開愁當獨坐處時有故人來冷眼宜秋色多情祇酒杯此間成大隱笑謝塵埃

李周南字冠三號靜齋江蘇甘泉人嘉慶甲戌進士官
刑部主事有洗桐軒詩集

春日客感

暢好晴光感不勝遠游客等在家僧生憎白髮頻窺鏡盼
到黃昏早試鐙久坐茶香濃似酒苦吟詩瘦冷于冰春來
何事關情甚兩度松楸掃未曾

喬用遷字見齋號敦安孝感人嘉慶甲戌進士官至貴
州巡撫贈太子少傅有有恆齋詩鈔

九日送友人赴澧州

杜若芳洲賦楚騷恰當佳節又題糕蒼茫畫舫成千里牢
落金尊感二毛極目雲天排雁字放懷月夜逐漁篙湖山
到處皆堪賞知有幽奇寫健毫

鄭開禧字迪卿號雲麓龍溪人嘉慶甲戌進士歷官廣東督糧道有知守齋集

家白麓先生故宅

老去江瀕結草廬一官謝卻混樵漁九天丹詔徵修史半畝青山自著書海島舊曾編日月滄桑時復歎邱墟白雲山下雲亭路有否當年問字車

送亨甫歸邵武

今時無賀監誰識謫仙才曠世此詩筆隨身唯酒杯紅顏疑易老白眼怪難開歸過任城下狂歌定幾回

題湯海秋

鵬

禮部浮邱閣詩草

禮部才無敵聲名滿日邊著書窮巷下落筆古人先萬里沅湘水千秋蘭杜篇相期續騷雅楚國有前賢

王協夢字渭畋號松廬德化人嘉慶甲戌進士歷官江蘇常鎮道有松廬詩鈔

舟行

五兩南風競扁舟細浪划晚涼生落日暮色帶歸鴉岸闊
煙籠樹潮平水篆沙柁樓纔晚飯詩景愛餘霞

朱達吉字春衢號絳槎嘉興人嘉慶甲戌進士改庶吉士
歷官廣東督糧道

詩話絳槎散館授東鄉令復以中書直軍機處道光初張格爾之亂軍書旁午頗著勞勩旋自部郎遷諫議又出觀粵東卒於官行取之制既罷以縣令入為京朝官頗不多見初充行省同考繼又充京兆禮部試同考亦甚罕觀也

游陳山觀祭李介節先生祠和紀半樵

大復韻

山北探薇徑牆東避世天龍腥流覓細蟹眼沸鑪圓向挾

靈胥恨眞同徐市仙梅花黃葉裏村酒醺年年

自德州至景州以河決廬舍淹沒農事未興

浪齧城根睥睨斜窪隆强半浸泥沙忍飢且逐魚蝦利望
稔難憑薺麥花流水空村時吹蛤斜陽新冢亂鳴鴉升平
偶此偏災值已覺哀鴻滿目賒

許家港夜泊

模糊夜色辨柴關瀧急崎平又幾灣擊鼓遙知村賽社打
鐘近識寺藏山驚飛宿鳥漁鎧裏絮語寒蛩草露間指點
荒蘆殘月上弋陽塔影見孱顏

鄭敦允字止川號芝泉長沙人嘉慶甲戌進士改庶吉
士歷官武昌知府兼署督糧道有白石園樵詩草

宿彰德

長途腰腳倦且喜罷征鞍日落霜猶溼風多火亦寒
菰經春雪輒酒得故鄉難慷慨挑鐙坐三更意未闌

蕭德宣字春田漢陽人嘉慶甲戌進士歷官大名同知

桃花夫人祠

爛若朝霞樹幾行柳隄兒女拜紅妝幽懷慣作巫山夢遺
恨應如漢水長何事多情貪結子難云不語亦含芳榴花
塔合桃花塚留與行人話夕陽

楊花

也隨桃李動芳魂淡冶光陰陶令門倦眼纔飄春夢影修
眉昨畫遠山痕搓酥滴粉剛三月帶霧拖煙又一村苦恨
沾泥期尙早禪心自在不須論

同幕中諸友登高

涼秋愁思太無端
高處憑臨眼界寬
古道寒煙三鹿接以鉅鹿獲鹿
東鹿爲三鹿輔長空晴日一鵬盤
中原東望連齊履
名士南來笑楚冠
行樂人生須及早
古來陵墓久荒殘

黎恂字廸九號雪樓又號拙叟遵義人嘉慶甲戌進士
由知縣歷官雲南巧家廳同知有蛉石齋詩集

戛寨江漲不得渡反宿夷寨

雷雨漲蠻江水急浪掀簸高沒大石磯
例不容鼓柁戛寨江漲

淹沒江邊石柱舟子卽不敢渡籃輿已江邊
復返陟鬼柯欲尋昨宿處路

長計或左峯腰有人家種類盡夷獠
男婦足蹒跚兒童身袒裸土屋集臭穢
籬懸果窳此豈非吾民寄宿亦聊可
煮茶泉渾渾炊飯粟顆顆雜然同一宮
牛羊雞豕我獻片者何人緇布將頭裹
長跪前致辭謂我爲民爹慰勉磨之

去獨對山月坐伙頭獻隻雞蜀黍受其黍而還其雞無膏油奈何且爇松明火

大把關

翳翳下斜陽暖暖見村塢荒林老樹邊聚落成三五門外放雞豚檐前坐翁姥秋禾既登場冬菜亦生圃沽酒不用帘獵獸或張弩地利本饒瘠民俗復椎魯生當太平時居然稱樂土惟聞靜德僧畏爾採樵斧地近方山各村民無日不竊山樹

鄭子尹珍堦生日作長句示之

鄭子有才不可羈卓立天骨矜權奇鄭子能文苦不遇卽今三十已虛度少年曾讀等身書尋常咳唾皆成珠饑來一字不堪煮吁嗟吾道其非歟小住京華歇行腳依舊歸心殊落落如入寶山空手回江湖與我同飄泊買魚沽酒

向沙津

時泊舟沙洋

一醉東風桃李春英雄未必無知己相爾

豈是蓬蒿人

舟過武昌縣遙望西山樊口松檜參天林壑隱秀以

不得游覽爲憾

不羨釣臺魚不羨西門柳但願青鞵布襪一枝藤踏徧寒
溪西山與樊口樊口佳絕臨江天松竹蔚茂鳴風泉漫翁
家處石曰在東坡先生留五年名賢流寓亦偶爾至今草
木猶清妍我來二月風濤壯葉葉蒲帆破春浪如此山川
不少留驚聞猿鶴空惆悵萬松嶺九曲亭意想幽景無人
行何時飛步躡雲嶠一聽黃州鼓角聲

殘臘積陳連句癸丑元朝倏爾開霽喜賦

凍雲膠合天夢夢田水結作冰玲瓏啄枝乾鵲澀聲啞野

梅千樹無春容老夫經旬不出戶呻吟有類號寒蟲豈知
歲朝忽澄霽六合晃朗光冲融里鄰紛紛賀新歲花旛爆
竹喧兒童天運窮極固必反否復還泰理則同行將策杖
尋樵蹤往聽百舌呼春風不然放艇隨溪翁閒窺錦鯉跳
波紅俯仰乾坤亦自得無爲齷齪嗟龍鍾

秋夕

百感此交集小窗明月陰梧桐支老幹蟋蟀訴秋心憂患
夢如昨蹉跎人到今生涯三畝在不必問升沈

秋寺

征雁飛飛塔上頭深藏蘭若地清幽半林落葉荒山路一
杵疎鐘冷寺秋僧杖乍歸雲滿鉢佛鐙初上月當樓行將
看菊來禪榻靜誦楞嚴學比丘

山行卽目

曲曲斜斜坡路危黃茅岡上晚風吹僕夫短笠入林去野

果分嘗山荔枝

大如彈丸味甘可食
漢人呼爲雞茵子

范仕義字質爲號廉泉保山人嘉慶甲戌進士官如皋
知縣有廉泉詩鈔

君山

一帆天上落山色撲鬚眉斑竹湘妃墓丹楓柳毅祠風濤
環岸涌鐘磬出雲遲到此襟懷闊長吟遠望時

門人蔣純甫自吳淞來訪詩以慰之

昔宰吳淞日憐君有異才如何十年別猶是布衣來橋自
題司馬臺應築郭隗相逢吾慰汝莫效阮生哀

路孟達字希興號竹舟畢節人嘉慶甲戌進士官榆次

知縣

秋日洗心齋雜詠

不羨中條住還依半畝棲梅梢侵閣破山影壓牆低晚稻
千畦紫垂楊一帶齊終朝孤賞迴何必藉偏提

枕上得句

旅枕無端寐不成客懷如蛭對寒檠聽殘鼓角三更雨夢
逐關河萬里情兩地看花添別恨一番聞雁感浮名低徊
往事無聊甚起步中庭月正明

望船坡

叢篁深箐午雞啼怪石嶙嶙高復低莫道前山歸去早斜
陽人在斷橋西

潘曾沂字功甫號瑟庵吳縣人嘉慶丙子舉人官內閣

中書有功甫小集閉門集船庵集江山風月集放猿

集桐江集

詩話功甫爲相國文恭公長子少有異才潛於榮利壯歲卽謝職歸杜門學道自稱前身爲僧詩初近樊榭以幽秀爲宗繼放之爲東坡誠齋生辣又近姜白石晚乃取逕寒山以識解勝喜猿喜鶴時時詠之蓋以自況也

春日雜感

吳根越角路緜緜自別西湖十二年一塔送迎來往棹四
山出沒雨晴天荷亭翦燭縈愁夢茅屋題詩結淨緣獨有
北山荒館在不堪寫入昔游篇

與王

嘉祿

別後晚止小五臺

江上客不發遲君七日思愁中況有別春後欲無詩水鳥
歸前渡漁煙帶廢祠寄懷官閣伴正及詠潮時

船菴八鶴詩

一鶴始居籠中損傷脫籠卽化去今存七鶴

一鶴戛然鳴且走一鶴喉間得其偶一鶴低昂態嫺雅愛惜羽毛臨水久一鶴張翼思高奔雖舞未暢神抖擻一鶴局促飢啄泥呼立座隅忘其栖一鶴側睨常畏羣階除得食甘排擠一鶴凝然獨足立一足深藏滅盡跡以首入毛神入睡有時動搖醉兀兀七鶴先後來海濱二鶴習熟五鶴新天然不肯食白小豈竟長齋學主人主人愛鶴世無比每日未明先鶴起一童自願司七鶴新得頭銜寒院使飢來與米渴與泉過午常靜朝常喧如往而復若閑步難進易退知渠然前日東鄰說聞鶴不見其形在高木翰音登天何可長鵲占燕睇於誰屋冥冥氣感吾先知中心願和會有時此是青田老神鶴來送清聲到鳳池支公謂鶴

非近醜何至以身聽呼喚向來人道凌霄姿不圖世有焚
琴歎養翮俱成使速飛俯窺仰察兩忘機到門不敢高聲
價買鶴門前自古稀

洞庭湖登君山醉歌用杜公寄韓諫議注一首韻

番子六月游岳陽欲覓君山老木牀三生注定一宿覺假
寐愍斯蘿蔓荒君山返照入我鏡騰蹕白猿飛劍霜溺泥
老象叱不起欲以鐵鉤鉤鳳凰雲中之人坐衡嶽吹竹發
聲滿瀟湘安得玉子白玉漿灌而注之元膺旁蓬頭狹獐
戲幽闕赤松願棄孺子良老龍下天搖尾乞孫公見之神
內傷與以刀圭六七服中有君山仙酒香化盡老辣薑桂
性獨食太和主壽昌酒香路滑石鑿鑿潘子坐守三彭堂
漢陽登晴川閣至歸元池小憩出寺訪蓮花隄散步

攜亢止一酒家小飲復過月湖隄上琴臺

晴川歷歷自返照葉落歸根進步來可有龜巢蓮葉上化
爲脈望戲琴臺

白蓮無語鷺寫照水草忽開魚聚行日暮琴臺心不動一
鐘惟有漢陽清

房莊獨坐樓上望蔣生舟至湧金門

望爾扁舟裏蒲帆帶雨閒破窗秋在菊終日坐看山引氣
猿攀檻收心馬就閑夢時曾結襪渴想十年間

汪遠孫字久也號小米錢塘人嘉慶丙子舉人官內閣

中書有借閒生詩集

詩話小米家富藏書覃精著述撰詩考補遺國語考
異發正漢書地理志校勘記所校刻書又十餘種

爰積堂三慶桐蔭覓句圖

科頭小立倚疎桐
蹋徧蒼苔徑數弓
涼意乍生新雨後
詩情都在一秋中
影同雪碎庭篩月
聲比泉清樹卷風
四壁蕭閒發長嘯
更聞孤鶴唳遙空

送嚴鷗盟先生

杰入粵

元亨問字甫經年
聞唱驅駒意緒牽
練習史材崔慰祖
專精選學李崇賢
喜從病起身逾健
未送君行別轉先
見說將軍重揖客
官齋聽鼓足高眠

唐樹義字子方
遵義人嘉慶丙子
舉人歷官陝西布
政使護理巡撫以
事罷起授湖北按
察使殉難諡威恪
有夢硯齋遺藁

詩話子方詩近王
溪尤多綺語己而
見危授命大節凜
然乃知廣平梅花
不足異也金口之
役督水軍勦賊巡
撫崇綸奪其軍作
絕命詞云疆吏不
和羣情解體獨力
難支惟有一死遂
投江以殉時當事
者尙多

異議久之
事乃自云

舟夜不寐懷直夫

幾年蹤跡賦江離四海論交說共誰別後更無詩可讀近
來惟有月相隨曾游五嶽君真健不負千秋我所思記取
長安風雨夜一樽清對數吟髭

劉喜海字吉甫號燕庭諸城人嘉慶丙子舉人歷官浙

江布政使

詩話燕庭以名公子孫嗜學好古初舉賢書以任子
為郎一麾出守游涉藩圻歷官所至搜羅金石碑版
摩挲考訂所著有三巴齋古志海東金石苑長安獲
占編昭陵復古錄海東金石存攷古印偶存海東石
墨古泉隨筆泉苑精華論泉絕句古泉苑諸書其他
摹勒鐘鼎款識名人書翰猶復裒然成帙乾嘉間治
金石學者著述為最富云

雲箋畧客戊

九龍蟠屈卧秋山松徑雲深掩竹關雙塔夕陽煙樹渺一
橋波影鷺鷥閒多君樽酒牽離緒遲我梅花索笑顏結構
初成供遠眺記游回溯紹興間

劉禮淞字菰荃丹徒人嘉慶丙子舉人歷官懷慶知府
有青藜閣吟草

瓜洲聞笛

月上潮生夜泊舟綠楊夾岸是瓜洲誰堪此夕聞羌笛江
北江南動旅愁

秋感

金井涼生墜碧桐天涯搖落意何窮西風木葉催歸燕南
國音書望斷鴻冷淡心如三徑菊飄零身似九秋蓬閒來
聊酌新醅飲萬斛愁消一醉中

秋日遣興

山山翠色入孤城，雁外寒雲獨去輕。
十載世情看日澹，四時天氣愛秋清。
簿書閒自囂風變，樓閣涼從夜雨生。
桂影婆娑香萬斛，芳醪那計舉瑤觥。

寄示竹笑四弟

極目閒雲度遠巒，愁懷萬緒寫烏闌。
半生世態看多悟，八載官場夢未安。
進固灰心真不易，退何生計亦爲難。
一麾儻得分符早，琴鶴相期據寶鞍。

懷慶道中

輕暖輕寒際鶯聲，不斷聽煙浮清化。
白天入太行，青村舍多依竹池塘。
始泛萍長隄，斜照裏萬柳綠如屏。

曾興仁字受田善化人，嘉慶丙子舉人，官分宜知縣，有

樂山堂集

華蓋山

搖鞭撥霧興彌酣爲訪仙踪拜鐵龕絕頂果然真不染蓮

花心跡付山南

時以蓮花寶鑑四字題石

張履原名生洲字淵甫震澤人嘉慶丙子舉人官句容

教諭有積石詩存

葉魯西曰淵甫之學主於治經窮理故其爲文言皆自物宗法考一書爲數十年心力專注之作垂成而歿詩亦高迥絕俗張鐵甫云刻畫清微澄然風露之表王亮生云一眞孤露萬象畢發言與理會道以神超二君所論

詢得其真際

詩話淵甫詩思清夔語妙可傳其感時紀事之作亦

惻惻動人特儒生閉戶殷憂所聞非必徵信類此諸

詩多從交擇校錄

斯集附著大凡

步月

幽興不能留雙扉手自闌高樹靜無聲涼雪一村積夜氣
決羣蒙野色洗孤魄似身水中行俯影亂竹柏好風微欲
無餘雲澹將碧拊我清曠胸內外兩不隔

過邵伯湖

水行意如仙蒼波去浩渺朗然空色中物我同了了湖外
復有湖斷續疏林繞風帆隔浦多漁舍回洲小微雲交日
光澹澹浮虛杳時見枯蘆間決起數沙鳥

妙香樓

虛樓納眾光眇遠目生眈化機妙潛移雲物已多變菱蒲
千頃青太湖繞匹練可惜百萬蓮零落涼波面靜觀得本
真超神祛餘戀妙香如有聞縹緲不可見

雨後登石公山

微雨洗秋山我趣正與適不辭石路滑聊破篷窗寂崖泉
濺衣飛林翠迎面滴一道下臨湖軒宇向空闢浩渺天水
交混作太始白幽洞啟懸崖危亭置高壁深探巖乳垂極
眺湖煙隔我欲上雲梯古苔絕人跡裴回已夕光霽月出
寥碧

舟中望慧山

一峯漏晴曦一峯白雲翳須臾日過峯並入空濛際雲淨
日散輝山轉峯殊勢峯峯自聯縣婉與行舟會何必攜屐
登空翠妙遠睇山坳樹一叢茅屋孤煙閉此中儻有人今
我渺幽契

夏夜雜書

人心固有藏舊識不可除我宅已三徙夢不離故居區區

一藝事病雜繇當初十年不近樂妙響方出虛況迺此靈府而以蕤俗儲如何一盪滌中夜起踟躕

夢中獲異寶固握恐其遺及覺乃空手適然用自嗤生來本何有死去復焉攜惟此真實性敬以還兩儀愚夫誇積聚志士愛聲施聲施豈不廣一暝奚所知

海水趨尾洩堊腹含渾渾更乘眾脈出散作萬水原水極良有反天一還生新新故互不息可以觀本根人身亦如此流衍恃元精貴精終有竭惟道乃長存毋作柱史見徒以養生論

植物多暴長既長亦易枯修竹長交翠獨與松柏徒何繇而能然勁節稟生初君子尙剛正小人習柔濡霜風一振厲蒲柳竟何如

予齒去其角傅翼兩其足神挺鑄羣形默以寓鉗束奈後
橫目民囂然恣爭逐匪足走更先善觸不以角所繇君相
勞政今日煩促上治治其心無形感自速正身萬物理敬
用告司牧

夜歸

層陰雪意交扁舟路修永來帆一黑中舟子相聲警沿洞
入前溪風峭斷冰打深林幾人家隱約寒鐙耿渚禽宿未
安村犬吠還靜扣舷一以吟思與夜俱冷

落花寄鐵父先生

落花已如此春雨一何深之子隔流水荒雞聞暮陰寥寥
谷口跡寂寂汾亭心紛我慨多想同君抱膝吟

山道步月

仙乎一月寫虛空中拂飄然朗朗中草樹微光知著露水
天清籟略因風峯陰忽覺當頭聞泉脈無端撥手通此夕
長吟誰與聽高寒鶴影忽飛沖

自東山渡湖至吳淞

白雲淡寫數峯晴忽忽風蒲鏡裏行落木無多逢雁蚤滄
波不極逐鷗輕殘鐘晚唳雙林寺斷劍秋華一字城掃卻
蒼涼懷古意浮家少伯共平生

村居雜詠

早莢林邊亂石垣依然卜宅是南村比鄰兒女聚觀客赴
市魚鰕先到門薪火微添蠶起候圓沙淺印鷺眠痕江鄉
風景真如畫并入田園詩細論

豆華寒雨過橫塘一曲晴虹挂水長溪影定餘雲漠漠林

霏開正日涼涼游魚小側清灘白亂蝶低團淺草黃已覺
西風搖落意柴門閑看拾枯桑

方垌字思臧號子春又號朔夫平湖人嘉慶丙子舉人

官錢塘訓導有生齋詩集

詩話子春私淑於鄉先正陸清獻爲志程朱
之學詩自王孟入芬華明婉無諸學家習氣

野眺

疏林茅屋動炊煙早稻初花香滿田柔艣呖啞答人語一
湖秋水賣菱船

雨歇平皋野水渾幾家深閉竹間門秋桑未落蘆芽白斜
日烏鴉嘯過村

聞馮柳東登府乞休歸里

半年暫酌桃溪月千里俄歸長水居幸免折腰爲俗吏徑

思高枕卧衡廬竹垞秋老閒移艇梅里花深伴著書誰識
故人容鬢改歲寒依舊上征車

劉涓初名天民字孝長號莘農天門人嘉慶丙子舉人
官遠安教諭有雲中集

秋懷

搖落丹楓萬緒哀振衣長嘯最高臺千家斷杵先秋落八
月飛濤動地來壯志多乖愁倚劍中原無事任銜杯誰知
明鏡凋鬢鬢欲老甘泉獻賦才

遇王縉雲爲述魯之近狀

中原二子分飛後不見滄溟跋浪開阿大相逢初問訊王
郎落魄使心哀江山入蜀多奇氣風雨論交必雋才請爲
楚狂盡卮酒高歌西望故人來

塞上山

路繞燉煌更酒泉橫戈誓欲掃窮邊傷心一片長安月直
向黃河盡處圓

俞鴻漸字儀伯德清人嘉慶丙子舉人有印雪軒詩鈔
過鷺脰湖

山水能娛人積久動成癖自聞鷺脰湖夢寐不忍釋今從
禾中歸迂道此挂席層湖斂夕陰空水混一碧魚標露兩
三蟹舍近咫尺緬懷元真子晚作垂綸客煙波深復深蓑
笠適其適一泛湖中舟千載仰遺跡我有釣竿手苦爲利
名役大呼漁翁來乞與數椽宅春水桃花紅秋水蘆花白
鼓枻淩蒼茫不知天地窄

泰安道中望嶽

朝來晴翠撲征鞍。泰岱峻嶒聳萬盤。五等秩班侯伯上，四圍山作子孫看。雲光繚白晴疑雨，石氣飛青夏亦寒。惜未筍輿煩地主，碧霞宮裏倚欄杆。

臺城

妖夢妄祈四海一，梁家金甌從此缺。青絲白馬渡江來，百道攻城城欲裂。太平寺主誰堪充，往者思縛蕭老公。而今幸得償厥志，豈肯復以人臣終。吁嗟乎蕭郎三十貴，莫比尙憶兵從樊。汚起毛人夜投黃鶴磯，旣得皖城益自喜。兩龍導艦來中流，六要八貴同時收。勸進豈止沈家令，崇儉力反東昏侯。奈何晚年惑象教，深宮作事盡顛倒。徒將大會誇無遮，忍令血食斷宗廟。一朝國運顛難扶，此身竟捨跛腳奴。爲問爾時淨居殿，金錢欲贖其能無。于今事往已

千載世界滄桑凡幾改剩此荒涼地數弓道有當年遺跡
在斷址頽垣一望平僧廬弔古添幽情微風蕭瑟撼林樾
猶作荷荷索蜜聲

大境門

書生坐一室鑿空談兩戒既未足跡經豈免多所怪繁余
披短衣三年歌出塞巍巍大境門攬勝茲游再

去年偕吳丈亥汀同

游曉日明戰場微風淨埃壒萬帳屯中央營開見旌旆天

公妙設險有意限中外突然作一束兩崖岬相對城高鳥

飛絕徑窄馬蹏礙以此控北部豈曰非要害邊聲起驚笳

明駢過成隊有令促下鞍行人罔敢懈

出大境門皆下車

目覽地

勢雄心識神州大他日話游蹤抵掌亦一快

西臺

如意敲殘石有痕高臺直上倚雲根釣魚幸傍嚴陵化
鳥曾招信國魂大地茫茫王氣盡空山隱隱哭聲存于今
晞髮人何在聽徹樵歌日又昏

林端字章甫上元人嘉慶丙子舉人有偶然居士遺藁

詩話章甫江南名元屢蹟春闈遭際離亂遂隱於醫
嘗謂爲貴家擬方羣言互濟雖有良藥卒罔奏效卽
天下事可知矣詩高淡明秀著作甚富多毀
於賊沈工聯語爲人傳誦略見鱗爪而已

有感

啞啞慈孝烏母子還相哺豈曰知報稱所性與眾殊哀哀
鴻雁鳴道路逾江湖寒暑迫天序南北乃異趨鳳凰翔千
仞振翮低天衢食實自有竹棲枝自有梧奈何游楚地貽
笑狂接輿

喜晴

晴光耀窗紙猶滯昨宵寒雨霽日方永花遲春轉寬何曾
山色換只覺鳥聲歡欲覓采芳侶沈吟一倚闌

夏日書懷

頗許身無事乾坤覺氣清安眠詩入夢謝客懶知名歌泣
都成贅寒暄各有情要津懷舊侶冒暑正長征

詠柳

細雨斜風幾日晴勞勞亭畔又清明飛花澹澹無顏色送
客依依有性情天上青光分列宿人間高隱託先生眉痕
自好何須畫深淺時宜任變更

下第南歸

櫻桃粒粒樹紅酣尺五鱗魚上竹籃湖影漸寬山漸好馬
頭風輾入江南

甯熙朝字雙梧號柑堂潛江人嘉慶丙子舉人有江南
游草蜀游草庚辰草

荻港

帆與鳥爭飛日行五百里用風不可竭快意且須止來日
豈無風再行未晚耳荻港山色佳人家枕流水忽驚幽谷
人絕勝苧蘿美地僻況家微重聘焉到此我亦待嫁身自
嫁素所鄙展轉五更頭又報順風起

登吳山同郭耕梅

吳山第一峯頭立倒卷天風卻上吹左界江潮驚萬瓦西
橫湖翠撲雙眉何年鶴化丁仙骨終古鵲嘯伍相祠城郭
不須懷舊詠白雲散盡萬松枝

劉沅字止堂雙流入嘉慶丙子舉人有止堂韻語存

詩話止堂講學初宗宋儒繼乃會通三教於導
養鄒采之旨號有心得著書等身蜀士多稱之
榮經卽事古嚴道地

競說銅山利誰憐象齒焚雙江成古塹一馬上秋雲人事
風波馭天心冷煥分自象嶺以南夏亦披裘至縣始煥箐林春未晚蔬筍
戀餘薰

劉熊字南遠號湘華番禺人嘉慶丙子舉人有仿舫詩
鈔

夏日蒲澗寺遇雨

樹密不知雨但聞蕭颯聲雲陰團石磴嵐氣逼楸枰瀑瀉
峯千尺荷喧水一泓夕陽新霽後禪院晚鐘清

旅懷

又是淒風苦雨時風如刀翦雨如絲一身頻走數百里此

地會無三兩知得酒畏寒衣欲換攤書引夢枕常支倚閭
悵望嗟行役好報平安慰所思

始興江口

岸曲重灘急沙平亂石蟠星光搖水白霜氣煉山丹野柝
荒村近疎鐘破廟寒停舟懷往事霸蹟久銷殘

胡貞幹字時棟涇縣人嘉慶丙子舉人有杏軒集

詩話時棟瘦如鶴立寡言笑平居手不釋卷工詩兼
善駢體文海昌查梅史華亭顧荃士張詩船皆折行
輩與交詩船尤稱其樂府歌行別饒哀怨歿年
二十六疾革時理稟付其友王澹淵屬爲點定
清明

次第名花鬪豔妝新栽桃李漸成行小園鎖日飄紅雨蝴蝶
一雙飛過牆

春雨連朝漲碧池竹林新筍透階墀不須更製青精飯惟

喜新參玉版師

值友

河梁言別後芳訊久相違聚首復茲地深宵且未歸松風
和琴韻花影上春衣煮茗情何限依依月照扉

趙北口

朱闌十二柳毵毵入水亭臺影倒含買得魚舟堪度歲燕
南風景似江南

露坐

涼風蘋末正悠然不乞瓊漿漱石泉籬角月明螢乍隱花
陰露細鶴閒眠野人長物園生蘘榜妾江歌夜探蓮此際
瑤宮正岑寂可容槎泛斗牛邊

催租謠

八月冷風穫未畢老農在田吏在室呼農爾來前爾胡不
知律縣官新政催科急百里官糧限三日南城豪弁虎而
翼前日園扉辱徽纒西街舊宦居要職昨日公庭被呵叱
諒爾小民不能匿吏色揚揚老農泣收豕兒歸覓棗栗

李洲字碧川號居來魯山人嘉慶丙子副貢有松蔭精

舍詩集

詩話碧川與弟渡于岸皆受業於授堂精研樸學碧川有論語小學五代史註于岸有公羊春秋學授受表伊闕石刻記樂律表承授堂之緒有所發揮惜其書未行世知之者鮮

夜泊棲霞山下

竟日暑光中維舟夜待風浮天江氣白隱樹寺鐙紅清味
全消病鄉心半欲空來朝帆布穩歸路興何窮

晚晴移詩匯卷一百二十六終